



I-lockdown yetikolo

African Storybook

Busisiwe Ndlovu





Busiswe naBandile bajabule kakhulu.
Phela tikolo tivaliwe ngenca ye-lockdown.
Balangatelela kuba nesikhatsi emakhaya.



Sekuphele emaviki lasihlanu kune-*lockdown*, kantsi nenjabulo yaletelamani nayo seyiphelile.

“Ngiyatikhandla kute ngifundze nge-intanethi. Kepha maye kulukhuni!” kukhala Bandi.



Busi uyavuma, "Sengikhumbule esikolweni mine."

"Nyalo, sesifundza kumaklasi elicumbu le-WhatsApp, kuma-app ekufundza, nasetinhlelweni tekufundza letikuthelevishini!" kusho Bandi.




Nakachubeka utsi, “Nyalo sikolo sesidzinga kutsi umuntfu atimisele aphindze atikhandle kakhulu.”

Busi utsi, “Sonkhe sikhatsi sekudzingeka sibe nemadatha kanye nenethiwekhi.”



“Imindeni leminyenti iyehluleka kutsenga emadatha. Emakhikhi abhobokile,” kusho Bandi.

Busi ucabanga ngaBuhle naLuka, bangani bakhe.



Busi utsi, “Labanye bantfwana basaludzinga luhlelo lwekudla lwasetikolweni.”

Akhatsatekile, uyatibuta, “Batali babo batawukhona yini kubatsengela kudla lokwenele?”



Bandi utsi, “Ekhaya tsine sinenhlanhla.
Lolubhubhane lusengakasilimati kangako
ngekwetimali.”

“Ngiyabakhumbula mbamba bangani bami,”
kubalisa Busi.



Uchubeka utsi, “Ngihlale ngibafonela, kepha akufanani. Ngiyakutsandza kudlala nabo.”



Bandi uyabala, “Ngikhumbula kuba sesikolweni, bothishela, kufundza tintfo letinsha nekuba nebangani bami.”

Make ungena ekamelweni labo.



“Mantfombatane, ngisandza kuva umbiko emsakatweni wekutsi tikolo tiyavulwa evikini lelitako,” make uyamoyitela.

Busisiwe naBandile bajabula kakhulu!

—Imibuto

1. Chaza inchazelo yaloku lokulandzelako: 'kucindzeteleka ngekwetimali', 'kufundza nge-inthanethi', 'luhlelo lwekondla'.
2. Letelamani tiyijabulele yini i-*lockdown*? Chaza imphendvulo yakho.
3. Catsanisa kufundza esikolweni nekufundza nge-inthanethi. Ngukuphi lokushibhile kuloku?
4. Nakungaphindze kube khona i-*lockdown*, ngutiphi tintfo longatenta ngendlela leyehlukile?
5. Tikhona yini tintfo lotifundzile ngemphilo ngesikhatsi se-*lockdown* yesikolwa? Chaza.
6. Yini lekwentu ucabange kutsi sikolwa bekudzingeka silawuleke kakhudlwana futsi sitinikele ngesikhatsi se-*lockdown*?

Lencwadzi yetindzaba isekelwe embikweni wesiteshi semsakato lokutsiwa yi-RX. I-RX Radio siteshi semsakato sebantfwana lesiku-intanethi, lesisungulwe saphindze sakhelwa bantfwana.

I-RX Radio isakatela e-Red Cross War Memorial Children's Hospital eKapa.

I-RX Radio isita bantfwana bacoce ngetintfo letibalulekile kubo.

[Vakashela i-RX Radio](#)



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: I-lockdown yetikolo

Author/s: African Storybook

Translator/s: Simangele Khoza

Illustrator/s: Busisiwe Ndlovu

Assurer/s: Mduduzi Benjie Shongwe

Language: Siswati



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

